

Martes, 21 de outubro de 2025

Núm. 201

ADMINISTRACIÓN LOCAL**PROVINCIAL****DEPUTACIÓN PROVINCIAL****Subvencións e axudas***II EDICIÓN DOS PREMIOS SOCIAIS DA DEPUTACIÓN DE PONTEVEDRA**II EDICIÓN DOS PREMIOS SOCIAIS DA DEPUTACIÓN DE PONTEVEDRA*

A Deputación de Pontevedra, a través do Servizo de Benestar Social, ten entre as súas prioridades impulsar a igualdade de oportunidades, a solidariedade e a participación activa da cidadanía. Con este espírito, e coa vontade de poñer en valor o compromiso de persoas, entidades e proxectos que destacan polo seu labor en defensa dos dereitos humanos, do apoio aos colectivos máis vulnerables e da loita contra calquera forma de discriminación, convócase a II edición dos Premios Sociais da Deputación de Pontevedra.

Neste marco, os Premios Sociais da Deputación de Pontevedra consolidan unha plataforma para destacar a importancia da cooperación entre administracións públicas, sector privado e sociedade civil, e para apoiar e recoñecer todas aquelas persoas e entidades que, con esforzo e dedicación, contribúen á construción dunha sociedade máis igualitaria, solidaria e inclusiva, en coherencia cos valores que guían a acción da institución provincial.

Así, estes galardóns non só recoñecen o traballo xa desenvolvido, senón que pretenden visibilizar boas prácticas e exemplos de compromiso social que inspiren a comunidade e contribúan a xerar unha sociedade máis cohesionada e xusta. Ao dar a coñecer estas iniciativas, refórzase o tecido social da provincia e foméntase unha cultura baseada na colaboración, na corresponsabilidade e na defensa dos valores comúns, ao tempo que se promove a sensibilización sobre os desafíos presentes e futuros das nosas comunidades.

Desde o punto de vista competencial, na Lei 13/2008, de 3 de decembro, de servizos sociais de Galicia, estrutúrase o sistema galego de servizos sociais en forma de rede. Nela diferéncianse os servizos sociais comunitarios e os especializados, e defínense os servizos sociais como un servizo público destinado a garantir a igualdade de oportunidades no acceso á calidade de vida e á participación social de toda a poboación mediante intervencións que permitan, entre outros obxectivos, “sensibilizar, informar e promover valores de solidariedade e integración na sociedade galega”.

No ámbito local, no artigo 36.1.d da Lei 7/1985, de 2 de abril, reguladora das bases do réxime local, establécese como competencia propia das deputacións provinciais a cooperación no fomento do desenvolvemento económico e social e na planificación no territorio provincial.

Do mesmo xeito, no artigo 109.1.d da Lei 5/1997, de 22 de xullo, de Administración local de Galicia, determínanse como competencias propias das deputacións o fomento e a administración



Martes, 21 de outubro de 2025

Núm. 201

dos intereses peculiares da provincia e, no seu artigo 118.d, a organización de concursos e exposicións e de calquera outra actividade cuxa finalidade sexa o fomento en materia de cultura, educación e deporte.

Por todo o exposto, a Deputación de Pontevedra establece as bases reguladoras da segunda edición destes premios, ao abeiro do establecido na Lei 38/2003, de 17 de novembro, xeral de subvencións (LXS), na Lei 39/2015, de 1 de outubro, do procedemento administrativo común das administracións públicas (LPACAP), na Ordenanza reguladora de subvencións da Deputación de Pontevedra e na demais normativa de aplicación, de acordo coas seguintes

BASES REGULADORAS

PRIMEIRA. OBXECTO

Esta convocatoria ten por obxecto convocar e establecer as bases da segunda edición dos Premios Sociais da Deputación de Pontevedra, nas categorías establecidas na base terceira, coa finalidade de recoñecer a traxectoria, o esforzo e o compromiso no marco dos servizos sociais de persoas, entidades e proxectos que traballan no eido social.

SEGUNDA. FINALIDADE

A finalidade destes premios é poñer en valor o traballo realizado na provincia en prol dos dereitos humanos e dos colectivos máis vulnerables co obxecto de promover un maior benestar social de persoas, colectivos e comunidades.

TERCEIRA. CATEGORÍAS DOS PREMIOS E PROCEDEMENTO DE CONCESIÓN

Nesta edición de 2025 establécense as seguintes categorías de premios:

- Premio a toda unha vida profesional no eido social

Recoñecemento a unha persoa física que, pola súa traxectoria profesional ou polo seu labor, contribúe á creación de proxectos ou actividades sociais dentro da provincia de Pontevedra, e que destaque pola súa excelencia no desenvolvemento da súa traxectoria profesional, relevancia, exemplaridade, notoriedade e mérito, co fin de contribuír a unha sociedade mellor, máis xusta e solidaria.

- Premio a tres entidades de iniciativa social pola súa traxectoria

Nesta categoría premiarase a entidades de iniciativa social sen ánimo de lucro que realicen actividades ou proxectos cun grande impacto social na provincia de Pontevedra. Poderán optar ao premio as entidades ou organizacións que na súa traxectoria implantasen actuacións no eido social e satisfíxesen as necesidades sociais.

Para seleccionar as entidades premiadas, valoraranse os seguintes criterios:

- Estabilidade e traxectoria da entidade.



Martes, 21 de outubro de 2025

Núm. 201

- Capacidade de manter un compromiso continuo co seu labor social e resultados ao longo do tempo.
- Sinerxías con outras entidades ou institucións.
- Innovación social na implantación das súas liñas de acción.
- Impacto e avaliación da solvencia organizativa.

- Premio a tres proxectos ou iniciativas polo seu impacto social

Nesta categoría premiarase a tres proxectos ou iniciativas relevantes realizadas por unha entidade ou organización cun grande impacto social na provincia de Pontevedra, que introduzan enfoques ou solucións novidosas para abordar retos sociais.

Para seleccionar os proxectos premiados valoraranse os seguintes criterios:

- Análise de obxectivos.
- Enfoques ou solucións novidosas para abordar os retos sociais propostos.
- Relevancia e impacto do proxecto realizado.
- Transformación social.
- Participación social.
- Resultados esperados e impacto.
- Rigor metodolóxico, calidade da formulación, pertinencia, factibilidade e coherencia técnica do proxecto.

De non recibirse ningunha candidatura para algunha das modalidades ou de que ningunha delas obtivese a puntuación mínima necesaria para optar aos premios correspondentes, a Comisión de Valoración poderá declarar deserto o premio ou premios nesa modalidade.

O procedemento de concesión levarase a cabo en réxime de concorrência competitiva e axustarase aos principios de publicidade, transparencia, obxectividade, igualdade e non discriminación recollidos no artigo 8.3 da LXS.

CUARTA. CONTÍA DOS PREMIOS E DISTINCIONES

Os premios que se convocan están dotados cun importe total de quince mil euros (15.000,00€), con cargo á aplicación 25/231.2313.480.01 do Orzamento ordinario do organismo provincial. Distribuiranse do seguinte xeito:

1. Premio a toda unha vida profesional no eido social: 3.000,00 euros
2. Premio a entidades de iniciativa social pola súa traxectoria : 6.000,00 euros
 - Primeiro premio: 3.000,00 euros
 - Segundo premio: 2.000,00 euros
 - Terceiro premio: 1.000,00 euros



Martes, 21 de outubro de 2025

Núm. 201

3. Premio a proxectos ou iniciativas polo seu impacto social: 6.000,00 euros

- Primeiro premio: 3.000,00 euros
- Segundo premio: 2.000,00 euros
- Terceiro premio: 1.000,00 euros

Estes premios estarán suxeitos á retención do IRPF correspondente á lexislación vixente no momento da resolución.

O importe de cada galardón pagarase mediante transferencia á conta bancaria indicada pola persoa ou entidade premiada.

A Comisión de Valoración reservará o dereito a declarar deserto algún dos premios.

QUINTA. PERSOAS, ENTIDADES DESTINATARIAS E REQUISITOS DESTAS

Poderán ser destinatarias dos premios as persoas físicas ou xurídicas que reúnan os requisitos recollidos a continuación e que desenvolvan ou desenvolvesen actuacións nalgunha das categorías previstas na base terceira.

- Premio a toda unha vida profesional no eido social: persoas físicas que na data de publicación destas bases estean empadroadas nalgún concello da provincia de Pontevedra.

Non se admitirán, en ningún caso, as candidaturas que se propoñan para conceder o premio a título póstumo.

- Premio a entidades de iniciativa social pola súa traxectoria: entidades de iniciativa social sen ánimo de lucro e legalmente constituídas e inscritas no Rexistro Único de Entidades Prestadoras de Servizos Sociais de Galicia con sede social ou delegación na provincia de Pontevedra.
- Premio a proxectos ou iniciativas polo seu impacto social: entidades públicas e privadas sen ánimo de lucro, legalmente constituídas, inscritas no rexistro público correspondente, con sede social na provincia de Pontevedra.

Todas as persoas físicas ou xurídicas deberán estar ao corrente das súas obrigas tributarias coa Axencia Estatal de Administración Tributaria (AEAT), coa Axencia Tributaria de Galicia (ATRIGA), coa Seguridade Social e coa Deputación de Pontevedra.

SEXTA. PRESENTACIÓN DAS CANDIDATURAS

Poderán presentar candidaturas aos premios as persoas físicas e xurídicas comprendidas na base anterior para cada unha das categorías propostas; tamén poderán facelo, a favor de terceiras persoas, as persoas físicas profesionais do sector social, as entidades do terceiro sector de acción social e outras entidades públicas ou privadas. Só se poderá presentar unha candidatura por persoa física ou xurídica.



Martes, 21 de outubro de 2025

Núm. 201

As candidaturas presentadas por terceiras persoas deberán contar coa autorización previa das persoas ou entidades candidatas, coa finalidade de protexer os seus dereitos e evitar situacións de representación inadecuada ou non consentida.

As candidaturas aos premios presentaranse preferentemente por vía electrónica, a través do formulario normalizado dispoñible na Sede electrónica da Deputación de Pontevedra (<https://sede.depo.gal>).

Para a presentación das candidaturas a Sede electrónica admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNIe).

As persoas non obrigadas a presentar as solicitudes de forma electrónica tamén poderán entregar as candidaturas presencialmente en calquera dos lugares e dos rexistros establecidos na normativa reguladora do procedemento administrativo común.

SÉTIMA. CANDIDATURAS EXCLUÍDAS

Quedan excluídas do concurso:

- As candidaturas das persoas que non cumpran os requisitos establecidos na base quinta.
- As candidaturas premiadas na mesma categoría ou co mesmo proxecto en edicións anteriores destes galardóns ou premiados noutros concursos ou certames convocados pola Deputación de Pontevedra.
- As candidaturas presentadas a máis dunha categoría nesta edición.
- As candidaturas presentadas que non reúnan as características establecidas para a súa categoría.
- Os proxectos presentados fóra de prazo.

OITAVA. PRAZO PARA A PRESENTACIÓN DE CANDIDATURAS

As candidaturas presentaranse no prazo dun (1) mes, contado a partir do día seguinte ao da publicación desta convocatoria no Boletín Oficial da Provincia de Pontevedra (BOPPO) e na Base de Datos Nacional de Subvencións (BDNS).

NOVENA. COMPROBACIÓN DE DATOS

Para a tramitación deste procedemento consultaránse automaticamente os datos incluídos nos seguintes documentos elaborados polas administracións públicas:

- NIF das persoas físicas ou xurídicas candidatas.
- NIF das persoas representantes, no seu caso.
- Certificado de residencia das persoas físicas candidatas.
- Domicilio fiscal, no caso das persoas xurídicas.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: 5BYJ0U7NDHUL7J77



Martes, 21 de outubro de 2025

Núm. 201

- Consulta da vida laboral, para as persoas físicas que opten ao premio a toda unha vida profesional no eido social.

Se as persoas ou institucións interesadas se opuxesen ás devanditas consultas, deberán indicalo no cadro habilitado no formulario de inicio e achegar os documentos correspondentes.

Excepcionalmente, en caso de que algunha circunstancia imposibilitase obter estes datos, poderáselles solicitar ás persoas ou ás entidades interesadas que presenten os documentos correspondentes.

DÉCIMA. DOCUMENTACIÓN SEGUNDO A CATEGORÍA

Premio a toda unha vida profesional no eido social

Xunto coa solicitude deberá presentarse a seguinte documentación en formato PDF:

- Memoria da traxectoria profesional que inclúa os seguintes puntos para valorar pola Comisión de Valoración.
 - a) Ámbito de actuación da carreira profesional.
 - b) Anos de experiencia e dedicación ao ámbito social.
 - c) Participación en proxectos ou actividades sociais complementarias na provincia de Pontevedra.
 - d) Recoñecementos e premios en relación ao anterior.
 - e) Reflexión sobre a súa exemplaridade, notoriedade e mérito co fin de contribuír a unha sociedade mellor, máis xusta e solidaria.
 - f) Artigos en revistas, investigacións ou libros en relación co ámbito social.

Esta deberá ter unha extensión máxima de cinco páxinas a unha cara, con fonte Century Gothic de tamaño 11 e entreliña de 1,5. Deberá incluír unha imaxe da persoa candidata que poida ser utilizada na gala de premios. Poderanse incluír ligazóns de referencia a webs e vídeos.

Premio a unha entidade de iniciativa social pola súa traxectoria

Xunto coa solicitude deberá presentarse a seguinte documentación en formato PDF. A documentación non presentada coas solicitudes, así como os aspectos que non estean debidamente xustificadas, non formarán parte da valoración da comisión.

Ficha da entidade proposta, que deberá recoller os seguintes aspectos:

- a) Revisión histórica, descrición da singularidade das actuacións desenvolvidas pola entidade na súa traxectoria e do seu grao de innovación.
- b) Resultados efectivamente obtidos e impacto na provincia de Pontevedra en canto á satisfacción de necesidades sociais.
- c) Sinerxías con outras entidades ou institucións.
- d) Argumentación sobre os méritos que concorren para merecer o premio nesta categoría.



Martes, 21 de outubro de 2025

Núm. 201

Esta documentación deberá ter unha extensión máxima de dez páxinas a unha cara, con fonte Century Gothic de tamaño 11 e entreliña de 1,5; nela poñeranse en valor os aspectos máis relevantes da entidade. Deberá incluír unha imaxe da entidade participante que poida ser utilizada na gala de premios. Ademais, poderanse incluír ligazóns de referencia a webs e vídeos que exemplifiquen o seu labor.

Premio a un proxecto ou a unha iniciativa polo seu impacto social

Xunto coa solicitude deberá presentarse a seguinte documentación en formato PDF:

- Ficha do proxecto proposto, que deberá recoller os seguintes aspectos:

1. Entidade que executa o proxecto.
2. Datos básicos do proxecto:
 - a) Denominación.
 - b) Data de inicio e finalización.
 - c) Ámbito territorial.
3. Breve descrición do proxecto:
 - a) Obxectivos detallados.
 - b) Resultados esperados.
4. Impacto na comunidade:
 - a) Resposta ás necesidades sociais.
 - b) Colectivo destinatario.
 - c) Impacto social.
5. Metodoloxía.
6. Grao de innovación e creatividade.
7. Sinerxías con outras entidades e/ou institucións.
8. Resultados obtidos.
9. Aprendizaxe da experiencia e conclusións.

A documentación complementaria deberá ter unha extensión máxima de dez páxinas a unha cara, con fonte Century Gothic de tamaño 11 e entreliña de 1,5; nela poñeranse en valor os aspectos máis relevantes do proxecto. Deberá incluír unha imaxe do proxecto ou entidade participante que poida ser utilizada na gala de premios. Ademais, poderanse incluír ligazóns de referencia a webs e a vídeos que exemplifiquen o seu labor.

DÉCIMO PRIMEIRA. NOTIFICACIÓNS

As notificacións de resolucións e actos administrativos practícaranse preferentemente por medios electrónicos. As persoas interesadas que non estean obrigadas a recibir notificacións electrónicas poderán decidir e comunicar en calquera momento que as notificacións sucesivas se practiquen ou deixen de practicar por medios electrónicos. Estas deberán manifestar expresamente a modalidade escollida para a notificación (electrónica ou en papel).



Martes, 21 de outubro de 2025

Núm. 201

As notificacións efectuaranse a través da Dirección Electrónica Habilitada única, accesible desde <https://sede.depo.gal> e a través de <https://dehu.redsara.es/>. Este sistema remitiralle ás persoas interesadas avisos da posta á disposición das notificacións á conta de correo que conste na solicitude. Estes avisos non terán, en ningún caso, efectos de notificación practicada e a súa falta non impedirá que esta se considere plenamente válida.

As notificacións por medios electrónicos entenderanse practicadas no momento en que se acceda ao seu contido. Se o envío da notificación electrónica non fose posible por problemas técnicos, a Deputación de Pontevedra practicará a notificación polos medios previstos na normativa reguladora do procedemento administrativo común.

DÉCIMO SEGUNDA. TRÁMITES ADMINISTRATIVOS POSTERIORES Á PRESENTACIÓN DE SOLICITUDES E EMENDA DESTAS

Se a solicitude non reunise os datos esixidos na convocatoria ou calquera dos previstos no artigo 66 da LPACAP, requiriráselle á entidade interesada, de conformidade co establecido no artigo 68 desta lei, que, nun prazo de dez (10) días hábiles, emende as faltas ou presente os documentos preceptivos e indicarlle que, se non o fai, se terá por desistida a súa solicitude, que se arquivará sen máis trámites.

Todos os trámites administrativos que as persoas interesadas deban realizar durante este procedemento poderán efectuarse por medios electrónicos a través do modelo “2887054 Trámites administrativos xenéricos distintos da solicitude”, dispoñible en <https://sede.depo.gal>.

A Sede electrónica ten dispoñibles unha serie de modelos xenéricos que as persoas interesadas poden utilizar para realizar as xestións máis habituais durante a tramitación administrativa (representación, emenda da solicitude, alegacións, renuncia ou recursos, entre outros). Estes modelos son comúns para os distintos procedementos e poderán empregarse sempre que a normativa reguladora do procedemento concreto para o que se vaian utilizar non estableza outros modelos específicos. Poderán descargarse para anexalos a unha solicitude ou para realizar trámites sobre outros expedientes e presentalos de forma electrónica ou presencial segundo a normativa reguladora do procedemento de que se trate. No formulario deberase indicar, no seu caso, o procedemento para o que se efectúa o trámite. Os modelos están dispoñibles en <https://sede.depo.gal/web/public/dynamic/catalogo/tramitesxenericos>.

DÉCIMO TERCEIRA. PROCEDEMENTO DE CONCESIÓN E RESOLUCIÓN DO PROCEDEMENTO

O procedemento de concesión dos premios será o de concorrencia competitiva previsto no artigo 22 da LXS, conforme aos principios de publicidade, transparencia, obxectividade, igualdade e non discriminación, eficacia no cumprimento dos obxectivos e eficiencia na asignación e utilización dos recursos públicos que se sinala no artigo 8.3 da devandita lei.

O procedemento de concesión atenderá ao recollido na LXS e no seu regulamento de desenvolvemento, coas características establecidas nestas bases reguladoras.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: 5BYJ0U7NDHUL7J77



Martes, 21 de outubro de 2025

Núm. 201

A instrución do procedemento corresponderalle á xefa do Servizo de Benestar Social. A concesión aprobaraa o órgano competente, logo da fiscalización da Intervención.

A resolución derivada da decisión da Comisión de Valoración farase pública no BOPPO, de conformidade co establecido no artigo 45 da LPACAP, unha vez entregados os premios, nun acto público, que terá lugar no último trimestre de 2025. Así mesmo, tamén se publicará en www.depo.gal. Ambas as publicacións expresarán o réxime de recursos correspondente.

DÉCIMO CUARTA. COMISIÓN DE VALORACIÓN

14.1. A selección e a concesión dos premios obxecto desta convocatoria realizaranse segundo a proposta da Comisión de Valoración nomeada polo presidente da Deputación ou pola deputada ou deputado en quen delegue.

14.2. Esta comisión estará integrada por representantes da Deputación e por profesionais externas e externos en cada unha das categorías dos premios, que axustarán a súa actuación ao disposto para os órganos colexiados na Lei 40/2015, de 1 de outubro, de réxime xurídico do sector público.

14.3. A Comisión de Valoración poderá declarar deserto calquera dos premios se considera que ningunha das candidaturas presentadas ao concurso reúne os méritos suficientes para ser galardoada. Así mesmo, tamén poderá declarar que se outorguen premios ex aequo e dividir o importe correspondente entre as persoas e entidades gañadoras, salvo que se poidan destinar remanentes doutras categorías que quedasen desertas.

14.4. Na composición da Comisión de Valoración procurarase que haxa unha presenza equilibrada de mulleres e homes. Esta composición farase pública na páxina web da Deputación de Pontevedra (www.depo.gal) tras rematar o prazo de presentación de candidaturas.

14.5. As persoas integrantes da Comisión de Valoración percibirán as axudas de custo correspondentes por gastos de asistencia ás reunións nas que se redacte unha acta, nas mesmas condicións que os cargos electos, cos importes establecidos na base 52.^a.2.b do Orzamento da Deputación de Pontevedra de 2025.

Asemade, percibirán os gastos de desprazamento que legalmente puidesen corresponderlles, se así o solicitan. Estes estímense nun total de cincocentos euros (500,00 €) e serán a cargo da aplicación orzamentaria 25/231.2311.226.06.

14.6. As decisións da Comisión de Valoración son inapelables.

DÉCIMO QUINTA. ACTO DE ENTREGA DOS PREMIOS

Estes premios entregaranse nun acto público, convocado para tal fin, no que se poñerán en valor a traxectoria da persoa premiada e o papel destacado das entidades premiadas.

Notificarase, coa suficiente antelación, a data e mais o lugar de realización da entrega dos premios.



Martes, 21 de outubro de 2025

Núm. 201

DÉCIMO SEXTA. PROTECCIÓN DE DATOS

Os datos persoais obtidos neste procedemento serán tratados pola Deputación de Pontevedra en calidade de órgano responsable coa finalidade de xestionar este procedemento, verificar os datos e os documentos que a persoa interesada declare na súa solicitude para comprobar a súa exactitude e levar a cabo todas as actuacións administrativas que, no seu caso, deriven.

A lexitimación para o tratamento dos datos baséase no cumprimento dunha tarefa de interese público ou no exercicio de poderes públicos segundo as normas de rango legal recollidas no apartado “normativa aplicable”, dispoñible na ficha de procedemento en <https://sede.depo.gal>.

Os datos persoais obtidos neste procedemento serán obxecto de comunicación ás administracións públicas no exercicio das súas propias competencias ou cando sexa necesario para que a cidadanía poida acceder de forma integral á información relativa a unha materia.

As persoas interesadas poderán acceder, rectificar e suprimir os seus datos, así como exercer outros dereitos ou revogar o consentimento segundo o previsto en <https://depo.gal/proteccion-de-datos/exercicio-de-dereitos>.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: 5BYJ0U7NDHUL7J77

